

續  
後  
漢  
書

一







續後漢書

(一)

郝經撰

# 御題郝經續後漢書

身充信使被拘留。兩國恰逢姦計役。

元世祖既立。欲與宋修好。王文統素忌郝經有重名。請遣經。乃以經充國信使。至宋。告即位。且徵前日請和之議。文統復陰屬李璫潛師侵宋。欲假手害經。

經至宿州。遣副使請入國日期。不報。遣書三省樞密使及兩淮制置使。亦不報。先是。賈似道爲元兵圍于鄂州。懼而請和。且請稱臣納幣。元人許之。鄂圍始解。似道匿其事。以大捷聞。及還朝。使其客廖瑩中等譏福華編。頌鄂功。通國皆不知所謂和也。恐經至泄其謀。因拘經于真州之忠勇軍營。經上表請入見。又數上書極陳和戰利害。皆不報。遂留真州十六年。因著此書願附魯連未遂志。空言思託著書酬。

陳壽寧稱史筆人。續之尊漢見誠醇。

陳壽三國志。帝魏寇蜀。論者非之。然司馬光作通鑑。尙不能訂其誤。至朱子作綱目。始爲改定。經所著續後漢書。獨以蜀漢紹炎劉正統。其識甚正。彼

蓋未嘗見朱子之書也。

獨嫌董卓仍列傳。卽未叛臣亦亂臣。

經此書。于叛臣篡臣皆各爲分類。而董卓則仍置尋常列傳中。夫東漢之禍。實由董卓。其篡逆之謀久萌。特未及逞耳。縱不列爲篡

臣。獨不當另列爲亂臣乎。

褒貶從來不可誣。要公千載賞和誅。篡臣仲達祇篡魏。篡漢寧非孟德乎。

經列司馬懿爲篡臣。而轉不及曹操之賊。貶懿而舍操。春秋之義。有未當矣。

秋之義。有未當矣。

福華編撰鄂功陳。羈絆真州十六春。未免南方君子笑。笑他不叛北方人。

帛詩或者假前題。

元史經本傳。載汴中民射雁金明池。得繫帛書。詩云。霜落風高恣所如。歸期回首是春初。上林天子授弓繳。穹海繫臣有帛書。中統十五年九月一日放雁。獲者勿殺。國信大使郝經書于真州忠

勇軍營新館。蓋經以久留音問不通。不知中統之爲至元也云云。此蓋好事者因蘇武事假爲之。然經久羈宋地。杖節不屈。僅以著書自遣。視蘇武之口匈奴。娶婦生子。不可同日語。奚藉雁書方表其忠乎。

學術忠誠孰

可齊。設使子卿逢地下。著書差勝娶胡妻。



# 原序

漢建安末。曹氏廢漢自立稱魏。孫氏據江左。僭號稱吳。昭烈以宗子繼漢。卽位于蜀。討賊恢復。卒莫能相一。而折入于晉。晉平陽侯相陳壽。故漢吏也。漢亡仕晉。作三國志。以曹氏繼漢。而不與昭烈稱之曰蜀。鄙爲偏霸僭僞。于是統體不正。大義不明。案其綱維。故稱號論議。皆失其正。哀帝時。滎陽太守習鑿齒著漢晉春秋。謂三國蜀以宗室爲正。魏雖受漢禪。晉尙爲篡逆。蜀平而漢始亡。上疏請越魏繼漢。以正統體。不用。原注。晉書。習鑿齒臨終上疏曰。臣每謂皇晉宜越魏繼漢。不應以魏後爲三恪。而身微官卑。無由上達。懷抱愚情。三十餘年。今沈淪重疾。性命難保。遂常懷此當與之朽爛。區區之情。竊所悼惜。謹力疾著論一篇。寫上如左。願陛下考尋古義。求經常之表。超然遠覽。不以臣微賤廢其所言。論曰。或問。魏武帝功蓋中夏。文帝受禪于漢。而吾子謂漢終有晉。豈實理乎。且魏之見廢。晉道亦病。晉之臣子。寧可以同此言哉。答曰。此乃所以尊晉也。但絕節赴曲。非常耳。所悲見殊心異。雖奇莫察。請爲子言焉。昔漢氏失御。九州殘隔。三國乘間。鼎峙數世。干戈日尋。流血百載。雖各有偏平。而其實亂也。宣皇帝勢逼當年。力制魏氏。蠅屈從時。遂羈戎役。晦明掩耀。龍潛下位。俛眉重足。鞠躬屏息。道有不容之難。躬蹈履霜之險。可謂危矣。魏武既亡。大難獲免。始南擒孟達。東蕩海隅。西抑勁蜀。旋撫諸夏。擢吳人入侵之鋒。掃曹爽見忌之黨。植靈根以跨中岳。樹羣才以翼子弟。命世之志既恢。非常之業亦固。景文繼之。靈武冠世。克伐三遼。以定厥庸。席卷梁益。奄征西極。功格皇天。勳侔古烈。豐規顯祚。故以灼如也。至于武皇。遂并強吳。混一宇宙。又清四海。同軌二漢。除三國之大害。靜漢末之交爭。開九域之蒙晦。定千載之盛功者。皆司馬氏也。而推魏繼漢。以晉承魏。比義唐虞。自託純臣。豈不惜哉。今若以魏有代皇之德。則其道不足。有靜亂之功。則孫劉鼎立。道不足。則不可謂制當年。當年不制于魏。則魏未曾爲天下之主。王道不足于曹。則曹未始爲一日之王矣。昔共工伯有九州。秦政奄平區夏。鞭撻華戎。專總六合。猶不見序于帝王。淪沒于戰國。何況暫制數州之人。威行境內。而蜀隴之人。雖服其役。禪代之義。于彼何有。且吳楚僭號。周室未亡。子文延陵。不見貶絕。宣皇帝官魏。逼于性命。舉非擇木。何虧德美。禪代之義。不同堯舜。校實定名。必彰于後。人各有心。事胡可掩。定空虛之魏。以屈于己。執若

仗義而以貶魏哉。夫命世之人。正情遇物。假之際會。必兼義勇。宣皇祖考立功于漢。世篤爾勞。思報亦深。魏武超邁。志在傾主。德不素積。義險冰薄。宣帝與之。情將何重。雖形風當年。意申百世。降心全己。憤慨于下。非道服北面。有純臣之節。畢命曹氏。忘濟世之功者也。夫成業者繫于所為。不繫所藉。立功者言其所濟。不言所起。是故漢高稟命于懷王。劉氏乘弊于亡秦。超二僞以遠嗣。不論近而計功。考五德于帝典。不疑道于力政。季無承楚之號。漢有繼周之業。取之既美。而已德亦重故也。凡天下事有可借喻于古以曉于今。定之往昔而足為來證者。當春秋之時。吳楚二國。皆僭號之王也。若使楚莊推鄢郢以尊有德。闔閭舉三江以奉命世。命世之君。有德之主。或藉之以應天。或撫之而光宅。彼必自繫于周室。不推吳楚以為代。明矣。況積勳累功。諍亂寧衆。數之所錄。衆之所與。不資于燕噲之授。不賴于因藉之力。長轡廟堂。吳蜀兩斃。運奇二紀而平定天下。服魏武之所不能臣。蕩累葉之所不能除者哉。自漢末鼎沸五六十餘年。吳魏犯順而強。蜀人仗正而弱。三家不能相一。萬姓曠而無主。夫有定天下之大功。為天下之所推。孰如見推于閭人。受尊于微弱。配天而為帝。方駕于三代。豈比僞首于曹氏。側足于不正。即情而恆實。取之而無慚。何與說事而託僞開亂于將來者乎。是故故舊之恩。可封魏後。三恪之教。不宜見列。以晉承漢。功實顯然。正名當事。情體亦厭。又何為虛尊不正之魏。而虧我道于大通哉。昔周人詠祖宗之德。追述翦商之功。仲尼明大孝之道。高稱配天之義。然後稷動于所職。聿來未以翦商。異于司馬氏任于曹族三祖之寓于魏世矣。且夫魏自君之道不正。則三祖臣魏之義未盡。義未盡故假塗以運高略。道不正故君臣之節有殊。然則宏道不以輔魏。而無逆取之嫌。高拱不勞汗馬。而有靜亂之功者。蓋勳足以王四海。義可以登天位。雖我德慚于有周。而彼道異于殷商故也。今子不疑共工之不得列于帝王。不嫌漢之繫周而不繫秦。何至于魏猶凝滯而不化哉。夫欲尊其君而不知推之于堯舜之道。欲重其國而反厝之于不勝之地。豈君子之高義。若猶未悟。請于是止矣。

宋元嘉中。文帝詔中書侍郎裴松之。采三國異同。凡數十家。以注壽書。補其闕漏。辨其舛錯。績力雖勤。而亦不能更正統體。歷南北隋唐五季七百有餘歲。列諸三史之後。不復議為也。宋丞相司

馬光作通鑑。始更蜀曰漢。仍以魏紀事。而昭烈為僭僞。原注。通鑑。魏黃初二年。夏四月。丙午。漢中王即皇

帝位于武擔之南。改元章武。臣光曰。天生蒸民。其勢不能自治。必相與戴君以治之。苟能禁暴除害。以保全其生。賞善罰惡。使不至于亂。斯可謂之君矣。是以三代之前。

海內諸侯。何啻萬國。有民人社稷者。通謂之君。合萬國而君之。立法度。班號令。而天下莫敢違者。乃謂之王。王德既衰。強大之國能帥諸侯以尊天子者。則謂之霸。故自古天下無道。諸侯力爭。或曠世無王者。固亦多矣。秦焚書坑儒。

漢興。學者始推五德生勝。以秦為閔位。在水火之間。霸而不王。于是正閔之論興矣。及漢室傾覆。三國鼎峙。晉氏失馭。五胡雲擾。宋魏以降。南北分治。各有國史。互相排黜。南謂北為索虜。北謂南為島夷。朱氏代唐。四方幅裂。為朱邪入汴。比之窮新。運歷年紀。皆棄而不數。此皆私己之偏辭。非大公之通論也。臣愚誠不足以識前代之正閔。竊以為

朱邪入汴。比之窮新。運歷年紀。皆棄而不數。此皆私己之偏辭。非大公之通論也。臣愚誠不足以識前代之正閔。竊以為

苟不能使九州合爲一統。皆有天子之名無其實者也。雖華夷仁暴。大小強弱。或時不同。要皆與古之列國無異。豈得獨尊獎一國謂之正統。而其餘皆爲僭偽哉。若以自上相授受者爲正邪。則陳氏何所授。若以居中夏者爲正邪。則劉。石。慕容。苻。姚。赫連。所得之士。皆五帝三王之舊都也。若以有道德者爲正邪。則袁爾之國必有令主。三代之季。豈無辟王。是以正閏之論。自古及今。未有能通其義。確然使人不可移奪者也。臣今所述。止欲敘國家之興衰。著生民之休戚。使觀者自擇其善惡得失以爲勸戒。非若春秋立褒貶之法。撥亂世反諸正也。正閏之際。非所敢知。但據其功業之實而言之。周。秦。漢。晉。隋。唐皆嘗混一九州。傳祚于後。子孫雖微弱播遷。猶承祖宗之業。有紹復之望。四方與之爭衡者。皆其故臣也。故全用天子之制以臨之。其餘地醜德齊。莫能相一。名號不異。本非君臣者。皆以列國之制處之。彼此鈞敵。無所抑揚。庶幾不誣事實。近于至公。然天下離析之際。不可無歲時月日以識事之先後。據漢傳于魏。而晉受之。晉傳于宋。以至于陳。而隋取之。唐傳于梁。以至于周。而大宋承之。故不得不取魏。宋。齊。梁。陳。後梁。後唐。後晉。後漢。後周。年號以紀諸國之事。非尊此而卑彼。有正閏之辨也。昭烈之于漢。雖云山崩。王之後。而族屬疏遠。不能紀其世數名位。亦猶宋高祖稱楚元王後。南唐烈祖稱吳王恪後。是非難辨。故不敢以光武及晉元帝爲比。使得紹漢氏之遺統也。

至晦庵先生朱熹爲通鑑作綱目。黜魏而以昭烈章武之元繼漢統體始正矣。原注。通鑑綱目。建安二十五年。魏文帝曹丕黃初元年是歲僭國一。春正月。丞相冀州牧魏王曹操還至洛陽。卒。太子丕自立爲丞相冀州

牧魏王。冬十月。魏王曹丕稱皇帝。廢帝爲山陽公。十二月。魏主丕如洛陽。昭烈皇帝章武元年。魏黃初二年。夏四月。漢中王卽皇帝位。孫權徙治武昌。秋八月。權遣使降魏。魏封權爲吳王。二年。魏黃初三年。吳大帝孫權黃武元年。舊國一。新國一。凡二僭國。後主建興四年。魏黃初七年。吳黃武五年。夏五月。魏主丕卒。秋八月。吳王權圍江夏。不克。七年。魏太和三年。吳黃龍元年。夏四月。吳王孫權稱皇帝。遣衛尉陳震使吳。及吳主權盟。舊史及通鑑皆以建安二十五年爲魏黃初元年。今猶繫之漢。漢未亡也。曹不廢漢帝而昭烈卽位。乃以章武元年爲漢。魏自僭。僞也。孫權受魏封爵。始稱吳王。著其封于魏也。然後叛魏稱帝。故以黃武之元並魏黃初爲列國僭僞。于是統體正矣。其齋居感興詩曰。東京失其御。刑臣弄天綱。西園植叢穢。五族沈忠良。青青千里草。乘時起陸梁。當塗轉凶悖。炎精遂無光。桓相左將軍。杖鉞西南疆。伏龍一奮躍。鳳雛亦飛翔。祀漢配彼天。出師驚四方。天意竟莫回。王圖不偏昌。晉史自帝魏。後賢盡更張。世無魯連子。千載徒悲傷。

然而本史正文猶壽書經嘗聞搢紳先生餘論謂壽書必當改作竊有志焉及先君臨終復有遺命斷欲爲之事梗不能中統元年詔經持節使宋告登寶位通好弭兵宋人館留儀真不令進退束臂抱節無所營爲乃破橐發凡起漢終晉立限斷條目以更壽書作表記傳錄諸序議贊十二年

夏五月令伴使西珪借書于兩淮制使印應雷得二漢三國晉書遂作正史以裴注之異同通鑑之去取網目之義例參校刊定歸于詳實以昭烈纂承漢統魏吳爲僭僞十三年冬十月書成年表一卷帝紀二卷列傳七十九卷錄八卷共九十卷別爲一百三十卷仍故號曰三國志

原注義例曰史之有書尙矣而稱謂不一如三皇之書則謂之墳

五帝之書則謂之典虞夏商周則謂之書歷代實傳則謂之訓周之世列國各有書而各有名晉謂之乘楚謂之檮杌魯謂之春秋其爲記錄言動則一其名則無定也戰國秦漢之世記注愈繁如左氏傳國語世本戰國策鐸氏微秦紀八覽六論等不可勝紀皆不能爲完書至司馬遷總爲撰集自黃帝訖漢武之獲麟名曰史記班固作前史始于高帝終于王莽別爲一代如虞夏商周而謂之漢書陳壽之爲國志時東漢史尙無完書乃斷自獻帝而下爲魏蜀吳書總謂之三國志天下分裂統體不一如周袁列國故如國語別爲書而謂之志志亦記也今雖增修革訛飭陋正其統體其名不可易故仍曰三國志云先生比修新書先爲義例以明更定去取之意今各具本條下謹案陵川集載此序云號曰續後漢書與此不同觀此注則知作序時本名三國志後乃改名續後漢書苟宗道所爲行狀有云仍改曰續後漢者是也其後延祐間中書省咨文仍稱三國志至江西行省開刊始定稱續後漢書馮良佐序所云今所定稱者是也

明代刊集者誤改其文在此序中當仍其原本爲是奮昭烈之幽光揭孔明之盛心祛操丕之鬼蜮破懿昭

之城府明道術闢異端辨姦邪表風節甄義烈核正僞曲折隱奧傳之義理徵之典則而原于道德推本

六經之初苴補三史之後千載之蔽一旦廓然矣古之爲書大抵聖賢道否發憤而作屈平離騷馬遷史

記皆是也然皆瞠昧一時流光百世故韓愈謂以彼易此孰得孰失原注窮不極雖有出于人其文學辭章必不能自力以致必傳于後如今無疑也雖使子厚得所願今拘幽之極而集是蓋亦失中之得古人之志也嗚呼

爲將相于一時以彼易此孰得孰失必有能辨之者

安得復于先君而告卒事乎十有五日庚子翰林侍讀學士行臺宣撫使持節入宋國信大使陵川郝經

序

# 新注序

三國事涉漢晉。參出互見。百有餘年。諸所記注。不啻數十百家。其行于世者。漢史則華嶠漢書。謝承後漢書。司馬彪續漢書。袁宏漢紀。袁暉獻帝春秋。張璠漢紀。樂資山陽公載記。王隱蜀記。孫盛蜀世譜。郭沖五事。魏史則王沈魏書。傅元魏書。及傅子評斷。孫盛魏氏春秋。魚豢魏略。孔衍漢晉春秋。陰澹魏紀。吳史則章昭吳書。虞溥江表傳。胡沖吳歷。虞預會稽典錄。環氏吳紀。于晉則干寶晉紀。虞預晉書。王隱晉書。謝沈晉書。孫盛晉陽秋。傅暢晉諸公贊。徐廣晉紀。皆各著一國之事。以自名家。獨陳壽合魏蜀吳。總爲三國志。號稱良史。然其事多疏略。故宋文帝命裴松之爲注。大集諸家之書。補其遺闕。各具本文下。且爲考正。辨其得失。其諸書疏。援引事類出異書者。注之。事顯者則不注。今宣撫陵川先生。更正陳志。凡裴注之事。當入正文者。則爲刪取其乖戾不合。不可傳信者。則置之。命宗道掇拾具注新書本文下。陳志之評。裴注之論。亦爲具載。其義理悖誤者。則以所聞于先生餘論。爲之辨正。凡書疏論議。所引古今事類。裴注之未備者。皆爲苴補。事已見者。不重出。無所考者。則闕之。先生比爲新書。先作義例條目。以明予奪之旨。今各具本文下。其書法則復發凡舉例。以見其義。宗道初事先生之父靜直先生。既又受學于先生。先生之開府南陽。辟宗道爲屬掾。奉使入宋。又辟充典書狀。繾綣患難。十有三年。故不敢不承命。亦庶幾附驥尾而廁名于大典之末云。宣撫司都事充國信書狀官門生河陽苟宗道序。



## 後序

人有恆言曰經史。史所以載興亡。而經亦史也。書紀帝王之政治。春秋筆十二公之行事。謂之非史可乎。蓋定于聖人之手。則後世以經尊之而止。及乎興亡。則謂之史也。古史分十七。東漢而下。西晉而上。有三國志亦十七之一也。出于陳壽之筆。不可謂失三國之實。獨帝魏而不知蜀之正統。爲史筆之玷。又前史紀傳外有書志。所以載三才之奧。禮樂食貨兵刑官職之異。而壽皆未及。尤史筆之欠。此紫陽朱文公詩云。後賢盍更張。感歎所由發也。後紫陽百餘年。徒增閱史者之慨。中統庚申。郝文忠公以行臺宣撫持節使宋。而畱滯儀真。進退維谷。乃繼先志。修舊史。破橐發凡。首帝昭烈。魏吳止筆其實。表外有紀。傳以辨崇卑。而復爲八錄以補陳闕。各冠以序。述其從起結。以議贊。會其指歸。考前言。徵後史。而損益之。儀真受一時之抑。而史書流百世之芳。公之榮遠矣。公之先世。詩書之澤。鍾陵川清粹之氣。嬉笑怒罵。鋪張吟諷。皆成文章。由賦詩而至移文。復三十有九卷。公之文博矣。若夫續後漢書暨陵川集。則今之所定稱也。延祐戊午。集賢陳大學士以公書敷奏。聖天子念故臣之可憫。喜藏書之有傳。睿旨恩潤。俾江西行省繡梓。一哉王心。繼今以往。天下後世。有以誦習而資德業矣。臣良佐。時職寄江西。提衡儒學。省堂孜孜。欽承就委。董役。率儒人胡元昌等。詳正其字。庶無訛矣。工畢。念不容已。用紀歲月云。是年秋七月既望。臣馮良佐頓首百拜謹識。

# 續後漢書目錄

年表一卷

帝紀二卷

列傳七十九卷

錄八卷

年表

闕

帝紀

帝紀第一

昭烈皇帝

帝紀第二

末帝

列傳

卷一

卷二

卷三

列傳第一上 后妃

昭烈甘皇后

末帝敬哀張皇后

列傳第一下 昭烈二王 末帝太子六王

魯王永

太子璿 弟瑤 璿 璿 璿 璿

列傳第二 宗室諸劉

陳王寵

劉虞

劉表 子琦 琮 劭 越 韓嵩 劉先 傅巽 王雋

列傳第三 漢臣

皇甫嵩

蓋勳

列傳第四 漢臣

卷四上

穆皇后 兄懿 懿族弟班

張皇后

卷四下

梁王理

卷五

劉焉 子璋 任安 董扶

劉繇 子基 兄岱

卷六

朱雋

卷七

何進 弟苗

鄭泰

何容

种劭

王允 王宏 趙戩 士孫瑞

列傳第五 漢臣

卷八

董卓 李催 郭汜 楊奉 韓暹 樊稠 張濟 李樂 胡才

韓遂 馬騰 成公英 閻行

張楊 董承

呂布 張邈 遼弟超 陳宮 高順 陳珪

列傳第六 漢臣

卷九

袁紹上下 子譚 熙 尙 從兄遺 外甥高幹 逢紀 審配 沮授 田豐 麴義 李孚 王修

袁術上下

列傳第七 漢臣

卷十

陶謙 笮融 趙昱

公孫瓚

公孫度 子康 恭 康子晃 淵

列傳第八 漢臣

卷十一

張燕

張魯 閭圃  
劉雄鳴

列傳第九 漢臣

荀爽

楊彪

列傳第十 漢臣

盧植

列傳第十一 漢臣

徐璆

陳登

許劭

列傳第十二 漢臣

諸葛亮

列傳第十三 漢臣

張繡

士燮 子啟  
武  
壹弟壹

卷十二

黃琬

卷十三

趙岐 孫寶碩

卷十四

馬日磾

太史慈

徐庶 石韜  
孟建

卷十五

卷十六



關羽

趙雲 陳到

馬超

列傳第十四 漢臣

龐統

列傳第十五 漢臣

許靖

孫乾

伊籍

費詩

列傳第十六 漢臣

董和 胡濟

李福

馬良 弟謨

張飛

黃忠

卷十七

法正 祖父真

卷十八

糜竺 弟芳

簡雍

秦宓

杜微 五梁

卷十九

楊容 賴玄 姚仙

劉巴

向朗 兄子寵

張裔

何祗

列傳第十七 漢臣

劉封

彭萊

廖立

魏延

列傳第十八 漢臣

王連

呂凱

王平

霍峻 子弋

列傳第十九 漢臣

蔣琬 子斌 顯  
劉敏

楊洪

卷二十

劉劭

李邈

李嚴

楊儀

卷二十一

李恢

馬忠

張嶷

羅憲

卷二十二

費禕

董允 董恢

陳祗

列傳第二十 漢臣

姜維

廖化

列傳第二十一 漢臣

楊戲

常播

譙周 子熙 孫秀 文立

列傳第二十二 魏

曹操 上下 武帝

列傳第二十三 魏

曹丕 文帝

列傳第二十四 魏

呂乂

董厥 樊建

卷二十三

張翼

卷二十四

王嗣

衛繼

郤正

卷二十五

卷二十六

卷二十七

曹叡 明帝

列傳第二十五 魏

曹髦 高貴鄉公

別傳第二十六上 家人

曹操卞夫人 武宣皇后  
丁夫人

曹丕甄后 文昭皇后

曹叡毛后 明悼皇后

列傳第二十六下 操三子

曹彰 任城威王

曹熊 蕭懷王

列傳第二十六中 操丕諸子

曹昂 豐愍王

曹沖 鄧哀王

曹宇 燕王

曹芳 齊王

卷二十八

曹奂 陳留王

卷二十九上

郭后 文德皇后

郭后 明元皇后

卷二十九中

曹植 陳思王  
子志

卷二十九下

曹鑠 相殤王

曹據 彭城王

曹林 沛穆王

曹衮 中山恭王

曹峻 陳留恭王

曹幹 趙王

曹彪 楚王

曹子乘 穀城殤公

曹子京 靈殤公

曹子棘 廣宗殤公

曹茂 樂陵王

曹蕤 北海悼王

曹霖 東海定王

曹邕 邯鄲懷王

曹儼 廣平哀王

列傳第二十七 諸夏侯

夏侯惇 弟廉 子充 楙  
韓浩 史渙

續後漢書 目錄

曹玘 濟陽懷王

曹矩 范陽閔王

曹子上 臨邑殤公

曹子勤 剛殤王

曹子整 鄆戴公

曹均 樊安公

曹徽 東平靈王

曹協 贊哀王

曹鑿 東武陽懷王

曹禮 元成哀王

曹貢 清河悼王

卷三十



夏侯淵子衡 霸和

曹仁弟純 應余

曹休子肇 驥孫墟

列傳第二十八 魏臣

荀彧子譚 孫魁 翼

賈詡

列傳第二十九 魏臣

鍾繇子毓

王朗

列傳第三十 魏臣

程昱孫曉

董昭

蔣濟

列傳第三十一 魏臣

夏侯尚從弟儼

曹洪

曹真

卷三十一

荀攸

卷三十二

華歆子表 孫虞 矯 周

卷三十三

郭嘉

劉曄

卷三十四

張遼

于禁

徐晃

李典

列傳第三十二 魏臣

李通 孫秉  
秉子重

文聘

許褚

龐惠

張特

閻溫 張恭  
恭子就  
就子敦

列傳第三十三 魏臣

袁渙 子侃  
寓奧  
奧準  
敏  
曾孫宏

張範 弟承

從弟霸

樂進

張郃

朱靈

卷三十五

臧霸 孫觀

呂虔

典韋

郝昭

龐涓 張猛  
鮑出  
楊豐

卷三十六

邴原 張闓

涼茂

國淵

徐奕

何夔

邢容

列傳第三十四 魏臣

卷三十七

陳羣 子泰

列傳第三十五 魏臣

卷三十八

劉劭

傅嘏

列傳第三十六 魏臣

卷三十九

桓階

陳矯 子本

徐宣

衛臻 孫權

盧毓 子欽

列傳第三十七 魏臣

卷四十

和洽

常林

杜襲

趙儼

裴潛

列傳第三十八 魏臣

韓暨 韓宣

高柔

王觀

列傳第三十九 魏臣

辛毗

高堂隆 棧潛 董尋 張茂

列傳第四十 魏臣

劉馥 子靖 孫宏

司馬芝 子岐

張既 徐英

楊沛

賈逵

卷四十一

崔林

孫禮

卷四十二

楊阜

卷四十三

司馬朗

梁習 王思 劉頰

游楚 父殷

温恢

列傳第四十一 魏臣

任峻 棗祗

杜畿 子恕 孟康

倉慈 皇甫隆 顏斐 令狐邵 孔乂 沐並 時苗

列傳第四十二 魏臣

滿寵 子偉 奮 奮子長武

牽招 子宏

列傳第四十三 魏臣

徐邈

王昶

列傳第四十四 魏臣

劉放 孫資 資孫楚 秦朗 孔桂

列傳第四十五 魏臣

曹爽 弟羲 訓 何晏 鄧颺 丁謐 畢軌 李勝 桓範 魯芝 楊綜

卷四十四

蘇則 吉茂

鄭渾 從子羨

卷四十五

田豫

郭淮

卷四十六

胡質 子威

王基

卷四十七

卷四十八

列傳第四十六 吳

卷四十九

孫堅

孫策

列傳第四十七 吳

卷五十

孫權 大帝

列傳第四十八 吳

卷五十一

孫亮 候官侯

孫休 景帝

孫皓 歸命侯

列傳第四十九 家人

卷五十二上

孫堅吳夫人 弟景

孫權謝夫人 弟承

徐夫人 父瑗 兄矯

步夫人

王夫人

王夫人

潘后 袁夫人

孫亮全后 父倫

孫休朱后

孫和何姬

孫皓滕后

列傳第四十九下 諸孫

孫登 宣太子 謝景 羊箇 刁元

孫和 南陽王

孫奮 章安侯

列傳第五十 諸孫

孫靜 子瑜 皎 奕 奕子 豐 張梁

孫輔

孫匡 子泰 孫秀

孫桓

列傳第五十一 吳臣

張昭 子承 弟子 奮

列傳第五十二 吳臣

周瑜 子允

列傳第五十三 吳臣

卷五十二下

孫慮 建昌侯

孫霸 魯王

卷五十三

孫資 子鄰 鄰子 震 曾孫 惠 策族 兄 香

孫翊 子松

孫韶 兄 權

卷五十四

張紘 子元

卷五十五

魯肅 子淑

卷五十六

呂蒙

列傳第五十四 吳臣

孫邵

族人悌  
殷禮

諸葛瑾 少子融

列傳第五十五 吳臣

程普

韓當

周泰

董襲

凌統 父操

潘璋

列傳第五十六 吳臣

朱治 子才

陸遜

卷五十七

顧雍 子劭 功子譚  
承 雍孫榮

步騭 子闡 周昭  
李肅

卷五十八

黃蓋

蔣欽

陳武 子修  
表

甘寧

徐盛

丁奉

卷五十九

朱然 子施績



呂範

列傳第五十七 吳臣

薛綜 子瑋

駱統 父俊 謝淵

是儀

列傳第五十八 吳臣

賀齊 子建 弟景

呂岱 徐原

潘濬 子肅 芮元 祕

列傳第五十九 吳臣

陸凱 子禕 弟允 何定

列傳第六十 吳臣

諸葛恪 聶友

孫峻 孫綝 華融

朱桓

卷六十

胡綜 徐詳

陸瑁

李衡

卷六十一

全琮 子懌 緒

鍾離牧 少子 洵

周魴 子處

卷六十二

陸抗 子晏 景

卷六十三

滕允

濮陽興

孟仁

范慎

列傳第六十一 吳臣

陶璜 父基 子威 孫綏

滕修 子竝

列傳第六十二上上 儒學

經術總敘 易 書 詩 春秋 禮 樂 論語 孝經 孟子

列傳第六十二上下 儒學

漢

何休

穎容

許慎

鄭元

孟光

丁固

卷六十四

吾彥

卷六十五上上

卷六十五上下

服虔

謝該

蔡元

許慈

來敏

尹默

列傳第六十二下上 儒學

魏

王肅 子恂

賈洪

樂詳

庾峻 子珉  
散

列傳第六十二下下 儒學

吳

嚴峻 裴元

闕澤 麴固

陸績

列傳第六十三上上 文藝

文章總敘

李譔

卷六十五下上

董遇

隗禧

嚴幹

卷六十五下下

程秉 徵崇

虞翻 子汎  
忠  
昂

卷六十六上上

易部 序論 說評 辨言

書部 表封事 奏議 制制策 教令 教下記 檄疏

詩部 騷賦 古詩 樂府歌行 吟詠 長句雜言

春秋部 國史碑 墓碑 誄銘 符命 頌箴 贊記 雜文

列傳第六十三上下 文藝 卷六十六上下

漢

崔寔 從兄烈 烈子鈞

禰衡

列傳第六十三中上 文藝

漢

荀悅

陳壽

列傳第六十三中下 文藝

魏

仲長統

卷六十六中下

蔡邕 應劭

卷六十六中上

續後漢書 目錄

潘勗孫尼族子岳

列傳第六十三下上 文藝

魏

王粲

阮瑀

劉楨

桓威 薛夏 應璩

衛覬

列傳第六十三下下 文藝

吳

左思

列傳第六十四 行人

漢

鄧芝

路粹

卷六十六下上

陳琳

應瑒

吳質 邯鄲淳 繁欽 荀綽 王象

劉廙 繆襲 蘇林 孫該 杜襲

李康

卷六十六下下

陸機 弟雲 孫拯 褚陶

卷六十七

宗預

陳震

吳

顧徽

沈珩

浩周

馮熙

秦旦

紀陟 宏鑿

列傳第六十五 義士

臧洪 陳容

列傳第六十六上 高士

漢

郭泰 左原 茅容 孟敏 庾乘 賈淑

史叔寶 黃允 謝甄 王柔

符融

趙咨

陳化

鄭泉

張溫

鄭胄

張儼

卷六十八

田疇

卷六十九上

漢

仇覽

陳寔子紀 諡

徐穉

申屠蟠

袁閔

列傳第六十六中高士

漢

龐公

管寧王烈 胡昭 張璠

列傳第六十六下高士

魏

范粲子喬

王裒

吳

石偉

黃憲

姜肱

張元兄陵

卷六十九中

徐幹

李密子賜 與

卷六十九下

皇甫謐

范平

列傳第六十七上 死國

漢

孔融 脂習

程畿

諸葛瞻 子尚 黃崇

列傳第六十七中 死國

魏

夏侯元 李豐 許允 劉陶 豐弟翼 張緝

王經

母丘儉 子甸 尹大目

列傳第六十七下 死國

吳

留贊 子平

朱異

卷七十上

傅彤 子僉

北地王謏

卷七十中

王淩 令狐愚 楊康 單固

諸葛誕 文欽 虎 唐咨 欽子鸞

卷七十下

呂據

張悌 孫震 沈璧



列傳第六十八上 死虐

魏

邊讓

楊修

崔劼 許攸  
婁圭

楊俊

鄭小同

列傳第六十八下 死虐

吳

高岱

盛憲

張休

朱據

樓元

卷七十一上

周不疑

丁儀 弟廙

毛玠

鮑勳 父信

卷七十一下

于吉

沈友

吾粲

王蕃

賀邵 字季

韋曜

邵疇

列傳第六十九上 技術

漢

華陀 吳普  
樊阿

左慈

王真

李意其

杜瓊 何宗

列傳第六十九中 技術

魏

朱建平

管輅

列傳第六十九 技術

續後漢書 目錄

華嚴

張尙

卷七十二上

薊子訓

甘始 東郭延年  
封君達

郝孟節

周羣 張裕

卷七十二中

周宣 馬鈞

卷七十二下

吳

吳範

趙達

皇象

葛洪

列傳第七十上上

狂士

魏

王弼

焦先

石德林

向秀

孫登

列傳第七十上下

狂士

魏

阮籍 從子修

劉惔

陳訓

卷七十三上上

荀粲

扈累

嵇康

郭象

劉伶

卷七十三上下

阮咸 子瞻

列傳第七十下上 狂士

魏

王戎 從弟衍  
衍弟澄

列傳第七十下下 狂士

魏

樂廣

胡母輔之 子謙之

光逸

王濟

列傳第七十一 叛臣

漢

孟達 父他  
申耽

列傳七十二上 篡臣

魏

卷七十三下上

卷七十三下下

謝鯤

畢卓

衛玠

卷七十四

黃權

卷七十五上

司馬懿子師昭

列傳第七十二下篡臣

魏

王沈

鄭冲

何曾子劭

陳騫

裴秀

列傳第七十三取漢

鄧艾州泰段灼

衛瓘

列傳第七十四平吳

羊祜

王渾

司馬孚子望

卷七十五下

賈充韓壽壽子謚

王祥弟覽

石苞子崇

荀勗

荀勗馮統

卷七十六

鍾會向雄

卷七十七

杜預子錫

周浚

王濬

列傳第七十五 列女

漢

宏農王妃

陰瑜妻

董祀妻

魏

龐娥親

趙昂妻

曹文叔妻

許允妻

吳

孫翊妻

列傳第七十六上 北狄

唐彬

卷七十八

皇甫規妻

盛道妻

姜敘母

杜有道妻

羊耽妻

張白妻

卷七十九上

四夷總序

北狄 匈奴 劉氏 石氏  
沮渠氏 赫連氏

列傳第七十六下 北狄

烏桓

鮮卑 慕容氏 段氏 吐谷渾氏 禿髮氏  
乞伏氏 拓跋氏 宇文氏

列傳第七十七上 西戎

羌 赤亭羌 湟中月氏胡氏 白馬氏 仇池氏  
略陽氏 李氏 苻氏 呂氏

列傳第七十七下 西戎

西域 六十國

列傳第七十八 東夷

東夷 夫餘 高句麗 勃海 東沃沮 挹婁  
濊 馬韓 辰韓 弁韓 弁辰 倭人

列傳第七十九 南蠻

南蠻 交趾 林邑 扶南  
巴郡南郡蠻 板楯蠻夷

西南夷 夜郎 牂牁 滇 哀牢夷  
邛都夷 冉駹夷

卷七十九下

卷八十上

卷八十下

卷八十一

卷八十二

錄

錄第一上 道術

卷八十三上

正傳 伏羲 堯 舜 禹 湯 文王 武王  
周公 孔子 顏子 曾子 子思 孟子

錄第一下 道術

卷八十三下

諸子 荀子 董子 揚子

百家

異端 楊墨 老莊 管商 申韓 仙佛

錄第二上上 歷象

卷八十四上上

太極陰陽

天地

六天

儀象

晷影

黃赤道

錄第二上下 歷象

卷八十四上下

天文經星

三垣 紫微 太微 天市

辰次

分野

續後漢書 目錄



錄第二中上 歷象

卷八十四中上

二十八舍

天漢

錄第二中下 歷象

卷八十四中下

緯曜占候

日

月

歲

熒惑

填

太白

辰

雜星

輝氣

五行

災異

錄第二下上 歷象

卷八十四下上

歷法上

錄第二下下 歷象

卷八十四下下

歷法下

錄第三 疆理

卷八十五

漢益州 二十郡

魏司隸 八郡

冀州 十一郡

徐州 五郡

幽州 十二郡

涼州 八郡

荊州 六郡

吳揚州 十四郡

交州 八郡

錄第四上 職官

爵級

車服

選舉

三公 太師 太傅 太保 司徒 司空

豫州 九郡

兗州 八郡

青州 六郡

并州 五郡

秦州 三郡

揚州 二郡

荊州 十五郡

廣州 七郡

卷八十六上

奉祿

印綬

宰相 丞相 太尉 御史大夫

將軍 大將軍 驃騎將軍 車騎將軍 衛將軍 左右諸將軍 使持節都督 雜號將軍

錄第四中 職官

卷八十六中

九卿 太常 光祿勳 衛尉 太僕 廷尉 大鴻臚  
宗正 大司農 少府 將作大匠

錄第四下 職官

卷八十六下

京師兵官 執金吾 城門校尉 北軍中候

中宮官

東宮官

封建 王 侯 公主

京輔官 司隸校尉 京兆尹 河南尹

州郡官 刺史 郡守 縣令

外夷官

錄第五上上 禮樂

卷八十七上上

天類 郊 合郊 五郊 六天 九天 六宗 配郊 毀郊 告郊 朝日  
夕月 星祠 風雨雷師 高禘 大雩 朔 蜡 臘 儺 伏

錄第五上下 禮樂

卷八十七上下

地類 社稷 軍社 幸社 蠶星 先蠶  
五祀 籍田 嶽瀆山川 封禪

錄第五中上 禮樂

卷八十七中上

人類 明堂 辟雍 靈臺 養老 燕射 鄉飲 二王後  
孔子祠 軍祀 宗廟 禱祿 時享 薦獻 配享

錄第五中下 禮樂

卷八十七中下

人類下冠婚朝會  
火葬改葬  
招魂喪制  
葬短喪  
山陵喪禁  
上陵厚葬  
盤薄葬  
法

錄第五下上禮樂

卷八十七下上

律呂

聲音

錄第五下下禮樂

卷八十七下下

代樂

錄第六

卷八十八

刑法

闕

錄第七

卷八十九

食貨

錄第八上兵

卷九十上

兵道

兵制

錄第八中兵

卷九十中

兵陳

兵教

續後漢書 目錄

兵法

兵柄

兵將

錄第八下兵

卷九十下

兵地

兵機

兵氣

兵占

兵攻

兵守

譎兵

夷兵

臣等謹案續後漢書九十卷。元郝經撰。經字伯常。陵川人。官至翰林學士。贈昭文館大學士。榮祿大夫。追封冀國公。諡文忠。事蹟具元史本傳。經以中統元年使宋。值賈似道方詐報鄂功。恐泄其匿。敗請和之謀。拘留真州者十六年。使館羈困。思託空言以垂後。因作易春秋外傳。太極演原古錄。通鑑書法。玉衡真觀等書。此其一也。其書乃取陳壽三國志。別加刪訂。以昭烈上紹漢統。升爲本紀。黜吳魏。皆爲列傳。三國之臣。則以漢魏吳別之。又別爲儒學。文藝。行人。義士。高士。死國。死虐。技術。狂士。叛臣。篡臣。取漢。平吳。列女。四夷諸傳。又以壽書無志。作八錄以補其闕。各冠以序。而終以議贊。原目九十卷。中間各分子卷。實一百三十卷。自朱子修綱目。始以蜀爲正統。蕭常復本其

意作續後漢書經當時未見常書乃能獨伸大義勒成一編盡祛陳壽以來帝魏寇蜀之謬識見可謂醇正其間持議亦頗有可取惟論次諸傳意在貫徹首尾徵引較繁不免失之汎濫如黃憲卒于漢安之世葛洪顯于晉元之朝而特爲立傳其他漢晉諸臣以行事間涉三國概加闡入者不一而足限斷殊疏至其分晰門目進退失倫尤多乖迂如董卓陰蓄異謀實爲漢賊乃列之正傳絕無貶詞司馬懿傾覆曹宗未可云篡漢之人而身圖嬪代如曹操者反首列魏傳而不載諸篡臣之內又狂士一門如阮籍等之猖狂自放固當列入示貶至王戎雖以鄙嗇損譽而識鑒足重豈可並目以狂樂廣心存名教衛玠意在致身更不宜與籍等援爲同類又鄭沖王祥等雖身事二姓而未嘗覬覦神器謂之貳臣則可乃併繫以篡亦殊失平允凡此皆其體例之舛誤者律以史法均爲未協至公然經平生敦崇正學其以行人被執艱辛困苦未嘗少屈其志惟以著述自娛終能完節而歸洵可稱不辱君命者其人足重卽其書亦足以傳矣經所譏尙有陵川集元延祐戊午與是書皆官爲刊行迨明之中葉陵川集僅存而是書傳本遂絕今惟永樂大典所載尙多核以原目其全篇完好者十尙可得六七序文議贊則僅缺十一惟年表一卷刑法錄一卷全佚無存謹各據原目詳加校輯所分子卷悉仍其舊列傳內間有殘缺者以其文已多具于陳志不復採補以省煩複再經所採乃陳志舊本其中字句與今本往往異同今亦各繫案語用資

考證雖未能一一悉還原本之舊。而彙次排比。煥然復成完書。謹詳加校繕。著之于錄。庶經編輯之勤。不至湮沒于來世。至書中之注。乃書狀官河陽苟宗道所作。宗道字壽甫。與經久同患難。遂從學于經。還朝後。官至國子祭酒。其于是書去取義例。頗有發明。惟列傳中或有全篇無注者。疑修永樂大典時傳寫遺脫。今亦姑仍之云。乾隆五十年五月恭校上。

總纂官臣紀昀臣陸錫熊臣孫士毅

總校官臣陸費墀

札記四卷附

續後漢書卷第一

元 郝經撰

年表

闕



**Page not available.**

Please help scan and add.

页面不可用。

请协助扫描添加。

# 續後漢書卷第二

## 帝紀第一

義例曰。魏晉自以爲正統相繼。故不舉昭烈之謚。稱曰先主。陳壽遂不以漢爲帝紀。曰先主傳。非也。先主者。大夫稱其先大夫之辭也。繼漢而不稱漢。未嘗稱蜀而稱蜀。蔑劣甚矣。夫昭烈景帝之子。中山靖王之後。爲左將軍時。受獻帝衣帶中密詔。誅曹操。不克。出奔徐州。起兵討操。又不克。奔袁紹。與紹討操。遂依劉表。說表翼許以誅操。表不能用。及敗操于赤壁。始有荆土。攻劉璋于成都。卻操于漢中。遂有巴蜀。操既幽帝弑后。獻帝降廢。漢統中絕。昭烈以爲高祖初封漢王。出定三秦。以討項羽。故即漢中王位。與兵討操。及操死。不篡。獻帝降廢。漢統中絕。遂即漢皇帝位以祀漢。漢統于是乎在矣。及其崩殂。未帝嗣世。孔明出師討魏。繼之以死。蔣琬。費禕。姜維諸人。從與義烈。尙數十年。與魏俱斃。則章武之元。自可紹建安之末。昭烈之與獻帝。自爲繼承。魏。吳祇漢之僭偽爾。豈可削漢與魏。遂以爲蜀乎。其稱漢爲蜀者。魏晉間語也。通鑑更蜀稱漢。綱目以漢紀事。統體始正矣。紀。統紀也。以一統而紀天下之事也。故司馬遷史記。凡一統天下者。皆曰本紀。班固因之曰帝紀。陳壽以魏爲正統。故以魏爲帝紀。漢統未絕而復與魏。則天下有二統。且魏豈能統漢哉。今從綱目。以漢昭烈末帝爲帝紀。魏吳皆降爲傳云。史記于高帝本紀。初稱高祖。及爲沛公。稱沛公。封漢王。則稱漢王。至卽皇帝位。稱帝。稱上。崩後于他紀傳則稱高祖。班固前漢書因之。范氏後漢書。自世祖起兵卽稱光武。至卽位後稱帝。稱上。崩後稱世祖。光武。猶夫前史也。陳壽三國志。崩後稱漢昭烈。并以僭偽書也。今從范武姓名。通鑑始稱姓名。及卽漢中王位。稱漢中王。至卽帝位。稱漢主。崩後稱漢昭烈。并以僭偽書也。今從范史始卽昭烈。至卽位後稱帝稱上。于魏吳則始終皆稱昭烈。一同二漢天王正統云。史記本紀。二漢書帝紀。其大法依倣春秋。經傳編年。事詳辭略。其天文災變。郡國廢興。禮樂刑法。因革大端。四夷興衰侵叛之迹。皆備書之。又見諸書志及本傳。大抵皆重出。陳壽三國志無書志。其事皆具于紀傳。方之三史爲詳而不重出。然以魏爲正統。帝紀。凡天變外夷之事皆錄于魏吳書。故有者則錄于吳。謂蜀不置史。災異靡書。故二主傳皆不錄。今既正統體。欲移置于漢紀則失實。存之。魏傳則失體。故漢紀魏吳傳皆不錄。類之于八錄。國別以見。不復重出。其事義相闕者。則凡而不目云。

## 昭烈皇帝

昭烈皇帝姓劉氏諱備字元德涿郡涿縣人景帝子中山靖王勝之後也武帝詔諸侯王得推恩侯支庶

子弟靖王百餘子侯者五人元狩六年封貞涿縣陸城亭侯元鼎五年坐酎金失侯原注漢書孝景皇帝買夫

人生趙敬肅王彭祖中山靖王勝以前三年立有子百二十餘人四十二年薨子哀王昌嗣一年薨子康王昆侈嗣

二十一年薨子頃王輔嗣四年薨子憲王福嗣十七年薨子懷王循嗣十五年薨無子絕四十五歲成帝鴻

嘉二年復立憲王弟孫利鄉侯子雲客是為廣德夷王三年薨無子絕十四年哀帝復立雲客弟廣漢為廣平王薨

無後平帝元始二年復立廣川惠王曾孫倫為廣德王靖奉王後王莽時絕王子侯表中山靖王子廣望節侯忠將梁

侯朝平薪館侯未央陸城侯貞薪盧侯嘉元鼎五年昭烈祖父雄父宏世仕州郡雄舉孝廉終東郡范令昭烈

少孤與母販履織席為業舍東南角籬上桑生高五丈餘童童如小車蓋涿人李定曰是家當出貴人昭

烈方幼與宗中諸兒戲桑下言吾必當乘此羽葆蓋車叔父子敬曰汝勿妄言滅吾門也年十五母使行

學與同宗劉德然遼西公孫瓚俱事故九江太守同郡盧植德然父元起常資給昭烈與德然等元起妻

曰各家何能常爾邪元起曰吾宗中有此兒非常人也而瓚漢與昭烈相友瓚年長昭烈以兄事之昭烈

不甚樂讀書喜狗馬音樂美衣服身長七尺五寸垂手下膝顧自見其耳有大志少語言善下人喜怒不

形于色推仁尚義廓如也好交結豪俠年少爭附之河東關羽亡命來歸與同郡張飛兄事昭烈誓以死

從中山大商張世平蘇雙等貲累千金販馬于涿郡知昭烈非常人乃多與之金昭烈資之因合徒衆靈

帝末黃巾賊起州郡各舉義兵昭烈率其屬從校尉鄒靖討賊有功除安喜尉原注典略平原劉子平知備

詔遣從事將兵討純過平原子平薦備于從事遂與相隨遇賊于野備督郵以公事到縣昭烈求謁不通直入

中創陽死賊去後故人以車載之得免後以軍功為中山安喜尉

縛督郵。杖二百。解綬繫其頸。著馬柳。原注。五葬反。棄官亡命。原注。典略。其後州郡被詔書。其有軍功爲長吏者。當沙

督郵在傳舍。備欲求見。督郵稱疾不肯見。備恨之。因遷。治將吏卒徑詣傳舍。突入門。言我被府君密教收督郵。遂就牀縛之。將出到界。自解其綬。以繫督郵頸。縛之著樹。杖百餘下。欲殺之。督郵求哀。乃釋去之。頃之

大將軍何進遣都尉母丘毅詣丹陽募兵。昭烈與俱行。至下邳。遇賊。力戰有功。除下密丞。靈帝崩。皇子辯

即位。太后何氏臨朝。何進誅宦官。不克死之。原注。凡死國。死官。得其死者。曰死之。袁紹盡滅宦官。董卓入京師。廢帝爲宏

農王。立獻帝。弑太后何氏。原注。義例曰。章武元年。蜀中傳言獻帝已遇弑。昭烈乃發喪制服。蓋曰孝愍皇帝。遂即

帝。故不得從未崩之謚。祇曰獻帝。

初平元年春正月。州郡皆起兵討卓。卓弑宏農王。劫帝西遷長安。天下大亂。昭烈復去官。後爲高唐尉。遷

爲令。原注。英雄記。靈帝末年。備嘗在京師。後與曹公俱還沛國。募召合衆。會靈帝崩。天下大亂。備亦起軍。從討董卓。爲賊所破。奔奮威將軍公孫瓚。

二年夏六月。袁紹逐冀州牧韓馥。自領州。原注。凡自領與據。皆非朝命也。攻瓚所置青州刺史田楷。冬十月。瓚表昭烈爲

別部司馬。原注。凡曰表。表請朝命也。曰以者。自以爲之也。使爲楷拒紹。數有戰功。試守平原令。領平原相。郡民劉平。素輕昭烈。恥

爲之下。使客刺之。客不忍刺。語之而去。其得人心如此。原注。王沈魏書。劉平結客刺備。備不知。而待客甚厚

寇難。內豐財施。士之下者。必與同席而坐。同簋而食。無所簡擇。衆多歸焉。袁紹還兵攻瓚。昭烈與楷東屯齊。瓚敗。紹復攻楷。連戰踰年。

三年夏四月。董卓伏誅。原注。凡有罪當誅者。曰伏誅。卓黨賈詡以卓部曲李傕。郭汜等反陷長安。殺司徒王允。原注。凡

及兩下相殺。遂共管朝政。于是劉焉據益州。劉表據荊州。袁紹據冀州。袁術據揚州。曹操據兗州。其餘州

郡皆擁兵自保。更相并滅。不復奉朝廷矣。

四年冬十月。公孫瓚殺幽州牧劉虞。自領州。

興平元年春二月。曹操攻徐州。徐州牧陶謙遣使告急于田楷。楷與昭烈俱救之。時昭烈自有兵千餘人。及幽州烏桓雜胡騎。又略得飢民數千人。既到。謙以丹陽兵四千益之。昭烈遂去楷歸謙。謙表昭烈爲豫州刺史。屯小沛。夏四月。曹操擊破昭烈于郟東。秋九月。益州牧劉焉卒。子璋自領州。冬十二月。陶謙病篤。謂別駕糜竺曰。非劉備不能安此州也。謙卒。竺率州人迎昭烈。昭烈未敢當。下邳陳登謂昭烈曰。今漢室陵遲。海內傾覆。立功立事。在于今日。鄙州殷富。戶口百萬。欲屈使君撫臨州事。不宜揖讓。昭烈曰。袁公路近在壽春。此家四世五公。原注。見袁紹傳。海內所歸。君可以州與之。登曰。公路驕豪。非治亂之主。今欲爲使君合步騎十萬。上可以匡主濟民。成五霸之業。下可以割地守境。以觀時變。若使君不見聽。登亦未敢聽使君也。北海相孔融謂昭烈曰。袁公路豈憂國忘家者耶。冢中枯骨。何足介意。今日之事。百姓與能。天與不取。悔不可追。昭烈遂領徐州。陳登遣使告袁紹曰。天禍鄙州。州將殂隕。民人無主。恐貽盟主憂。輒奉故平原相劉備領州。紹報曰。劉元德宏雅。有信義。今徐州樂戴。誠所望也。

二年夏四月。曹操攻呂布。布來奔。李催。郭汜相攻擊。張濟扶帝東歸。

建安元年夏六月。袁術來攻昭烈。使張飛守下邳。自將拒術于盱眙淮陰。與術戰于石亭。相持經月。更有

勝負。陶謙故將曹豹爲下邳相，與張飛相失，飛欲殺之。豹衆閉營自守，城中乖亂。袁術與呂布書勸襲下

邳，許助以軍糧。布大喜，引軍水陸東下。中郎將丹陽許耽開門迎之，張飛敗走。布虜昭烈妻子及將吏家

口，昭烈聞之，引還。比至下邳，謹案：比至陳志作北至，逆繼作比至，與此合。兵潰，昭烈收餘兵，東取廣陵，與袁術戰，又敗。轉軍海

西，飢餓困蹶。謹案：困蹶，今志作困敗。此作困蹶，與宋本合。吏士相啖，從事糜竺以家財助軍，迫迨原注音無歸，乃降于布。布亦

忿袁術運糧不繼，復以昭烈爲豫州刺史，還其妻子部曲家屬。諸將謂布曰：劉備數反覆難養，宜早圖之。

布不聽，以狀語昭烈，與并勢擊術，使屯小沛。昭烈乃遣關羽守下邳，身還小沛。秋七月，帝至雒陽。原注：雒

魚蒙云：漢火行忌水，故去水。自光武後，改爲雒字。八月，曹操劫帝遷許，遂專朝政。表昭烈爲鎮東將軍，封宜城亭侯。昭烈復合兵

得萬餘人，呂布惡之，自出兵攻昭烈。昭烈敗走，歸許。曹操厚遇之，表爲豫州牧。郭嘉等謂操曰：備有英雄

之志，今不早圖，後必爲患。操不從，益兵給糧，使東至沛，收散敗，以圖呂布。是歲，孫策據江東。原注：義例曰：凡事之無日

者，附于月之下。稱是月。無月者，附于年之下。稱是歲。無年者，附于其事之首尾。如左氏稱初、始及

季年後之類。無事可附者，則約其時之早晚于一年之下。與其事之相涉者，即附之。此記事之通例也。

二年春正月，袁術稱帝于壽春。韓暹、楊奉在下邳，寇掠徐揚間，軍飢餓，辭呂布，欲詣荊州。布不聽，奉乃私

與昭烈相聞，欲共擊布。昭烈陽許之。冬十一月，奉引軍詣沛，昭烈請奉入城，飲食未半，於座上縛奉，斬之。

暹失奉，奔并州。

三年夏五月，呂布復與袁術通，使人齎金詣河內買馬，爲昭烈兵所鈔。布怒，遣其中郎將高順、北地太守

張遼攻昭烈。曹操遣將軍夏侯惇救之。爲順所敗。遂破沛。復虜昭烈妻子。送布。昭烈挺身逸。遇操于梁。與操共擊布于下邳。冬十二月。禽布斬之。昭烈復得妻子。從操還許。表昭烈爲左將軍。禮之愈重。出則同輿。坐則同席。

四年春。袁紹復攻公孫瓚。三月。克易京。瓚自殺。紹遂有幽州。帝自爲曹操劫遷。專制朝命。不得有所爲。甚

于催汜。帝舅。車騎將軍董承。

原注。裴松之曰。董承漢靈帝母董太后之姪。子獻帝爲丈人。蓋古無丈人之名。故謂之舅也。

受帝衣帶中密詔。令與昭烈誅操。

未發。操從容謂昭烈曰。今天下英雄。惟使君與操爾。本初之徒。不足數也。昭烈方食。失匕箸。值大雷震。昭

烈因曰。聖人云。迅雷風烈必變。良有以也。遂與承及長水校尉種輯。將軍吳子蘭。王子服等同謀。夏四月。

袁術欲經徐州北就袁紹。操遣昭烈督朱靈路。招邀擊術。程昱。郭嘉。董昭皆諫。操曰。劉備不可遣也。操悔

追之不及。術南走。病死。朱靈等還。冬十一月。昭烈遂殺徐州刺史車胄。留關羽守下邳。行太守事。引軍還

小沛。原注。胡沖吳歷。曹公數遣親近密覘諸將有賓客酒食者。輒因事害之。備時閉門。將人種燕菁。曹公使人闖門。既去。備謂張飛關羽曰。吾豈種菜者乎。曹公必有疑意。不可復留。其夜開後柵。與飛等輕騎俱去。所得賜遺衣服。

悉封留之。乃往小沛。收合兵衆。裴松之曰。魏武帝遣先主統諸將要擊袁術。郭嘉等並諫。魏武不從。其事顯然。非因種菜遜逃而去。如胡沖所云。何乖僻之甚乎。東海昌霸反。郡縣多叛。操爲昭

烈衆數萬人。遣孫乾與袁紹連和。操遣長史劉岱。中郎將王忠擊之。不克。昭烈謂岱等曰。汝百輩來。無如

我何。曹操自來。未可知爾。

五年春正月。董承等事覺。操殺承及王子服。種輯皆夷三族。自將攻昭烈。初。昭烈謂操方與紹連兵。不得

東候騎卒至。言曹公自來。昭烈大驚。及戰。師望風崩潰。操盡收其衆。虜昭烈妻子。并禽關羽。以歸。昭烈走青州。青州刺史袁譚。昭烈故茂才也。將步騎迎昭烈。昭烈隨譚到平原。譚馳使白紹。紹遣將道路奉迎。身去鄴二百里。與昭烈相見。駐月餘。所死亡士卒。稍稍來集。操與袁紹相拒于官渡。汝南黃巾劉辟等叛。操應紹。紹遣昭烈將兵與辟等略許下。夏四月。孫策卒。弟權代領其衆。關羽亡歸。操遣曹仁將兵擊昭烈。昭烈還紹軍。陰欲離紹。乃說紹南連劉表。秋七月。紹遣昭烈將本兵復至汝南。與龔都等合衆數千人。操遣蔡揚謹案。今志作蔡揚。宋本作揚。與此合。擊之。爲昭烈所殺。冬十月。操大破紹軍。

六年秋九月。操自擊昭烈。昭烈遣糜竺孫乾與劉表相聞。表自郊迎。以上賓禮待之。益其兵。使屯新野。荆州豪傑歸昭烈者日益多。表疑其心。陰禦之。一日。表置宴。蒯越蔡瑁欲因會取昭烈。或以急告。昭烈託被酒。潛遁。所乘馬曰的盧。走墮檀溪水中。昭烈曰的盧。今日危矣。可努力的盧一躍三丈。遂得免。謹案。傳元

劉備之初降也。太祖賜之驄馬。使自至廩選之。名馬以百數。莫可意者。次至下廩。有的盧馬。委棄莫視。瘦瘠骨立。劉備檢而取之。衆莫不笑之。其後劉備奔于荆州。逸足電發。追不可逮。衆乃服焉。昭烈益開誠待之。越等服其雅量。表亦不復疑。終表之世。遂無覺故。原注。孫盛曰。檀溪之事。此不然之言。備時歸旅。客世俗妄說。非事實也。案陳志豪傑歸先主者日益多。表疑其心。陰禦之。則越瑁之譖或有之。檀溪之急。似不爲妄。今取之是已。

七年夏五月。袁紹卒。子尙自領州。劉表遣昭烈拒夏侯惇于禁等于博望。昭烈設伏兵。一旦燒屯。僞遁。惇等追之。伏發。大破之。



九年秋七月。曹操克鄴。遂有冀青幽并四州。

十二年春。曹操北征烏桓。昭烈說表襲許。表不能用。操自柳城還。表謂昭烈曰。不用君言。失此大會。昭烈

曰。今天下分裂。日尋干戈。事會之來。豈有終極乎。若能應之于後者。則此未足爲恨也。昭烈在荊州數年。

嘗于表坐。起至廁。慨然流涕。表怪問。昭烈曰。平常身不離鞍。髀原注音陸肉皆消。今不復騎。髀裏肉生。日月

如流。老將至矣。而功業不建。是以悲爾。謹案此段裴松之注在昭烈初歸劉表下。此據在荊州數年語。移在十二年後。昭烈訪士于襄陽。司馬徽。徽盛

稱瑯邪諸葛亮。昭烈三往。乃得見。問天下大計。亮說昭烈取荊益。結好孫權。與共圖操。興復漢室。

十三年秋八月。曹操南擊劉表。表病篤。以州讓昭烈。昭烈不從。乃託子琮焉。原注。英雄記。表病。上備領荆

。願謂曰。我兒不才。而諸將並零落。我死之後。卿便攝荊州。備曰。諸子自賢。君其表尋卒。謹案。三國志。曹公南征

憂病。或勸備宜從表言。備曰。此人待我厚。今從其言。人必以我爲薄。所不忍也。表尋卒。表。會表卒。係在十二年

兩傳年不符。此改屬十三年。與曹操傳相應。較陳志爲密矣。琮自領州。九月。操至新野。琮遣吏請降于操。時昭

烈屯樊。琮不敢告。昭烈久之。乃覺。遣所親問琮。琮令宋忠詣昭烈。言故。時操已在宛。昭烈大驚。謂忠曰。卿

等作事。不早相語。禍至。乃始告邪。引刀向忠曰。今斷卿頭。不足解忿。亦恥大丈夫臨別復殺卿輩。遣忠去。

呼部曲共議。或勸昭烈攻琮。荊州可得。昭烈曰。劉荊州臨亡。託我以孤遺。背信自濟。吾所不爲。死何面目

見劉荊州乎。遂將其衆去。過襄陽。駐馬呼琮。琮懼不能起。琮左右及荊州人多歸昭烈。昭烈過辭表墓。泣

涕而去。比到當陽。衆十餘萬。輜重數千兩。日行十餘里。別遣關羽乘船數百艘。使會江陵。或謂昭烈曰。宜

速行保江陵。今雖擁大衆，被甲者少。若曹操兵至，何以拒之？昭烈曰：夫濟大事必以人爲本。今人歸吾，吾何忍棄去？

原注：習鑿齒曰：先主雖顛沛險難，而信義愈明，勢逼事危，而言不失道，追景升之顧，則情感三軍，戀赴義之士，則甘與同敗，觀其所以結物情者，豈徒投醪撫寒，含鑿問疾而已哉。其終濟大業，不亦宜乎。

操以江陵有軍實，恐昭烈據之，乃釋輜重，輕軍到襄陽。聞昭烈已過，操將騎五千急追之。一日一夜行三百餘里，及于當陽之長阪。昭烈棄妻子，與諸葛亮、張飛、趙雲等數十騎走。操大獲其人衆輜重。昭烈斜趨漢津，適與羽船會，得濟沔。遇表長子江夏太守琦，衆萬餘人，與俱到夏口。適孫權遣魯肅弔劉表二子，并說昭烈撫有表衆，協力治操。肅未至，而操已濟漢。故肅與昭烈遇于當陽長阪。肅達權旨，致慰勤意。且問昭烈曰：豫州今欲何至？昭烈曰：與蒼梧太守吳巨謹案：士燮及步騭傳皆作吳巨，與此合。陳志作吳巨誤。有舊，欲往投之。肅曰：孫討虜聰明仁惠，敬賢禮士。江表英豪，咸歸附之。已據有六郡，兵精糧多，足以立事。今爲君計，莫若自結于東，共濟世業。巨乃凡人，偏在遠郡，行將爲人所併，豈足託乎？昭烈甚悅，遂用肅計，住鄂縣之樊口。冬十月，遣諸葛亮隨肅求救于孫權。權遣周瑜、程普等水軍數萬與昭烈并力拒操。戰于赤壁，大破之，焚其舟船。昭烈與周瑜諸軍水陸並進，追到南郡。時又疾疫，操軍多死。操乃遁歸。昭烈表劉琦爲荊州刺史，又南征四郡。武陵太守金旋、長沙太守韓元、桂陽太守趙範、零陵太守劉度皆降。原注：三輔決錄注：金旋字元幾，京兆人。歷位黃門郎、漢陽太守。徵拜驍郎，遷中郎將。領武陵太守，爲備所攻劫。死子禕。事見魏武本紀。廬江雷緒率部數萬口來歸。以諸葛亮爲軍師中郎將，督零陵、桂陽、長沙三郡，調其賦稅以充軍實。以偏將軍趙雲爲桂陽太守。

十四年冬。昭烈表孫權行車騎將軍領徐州牧。會劉琦卒。權表昭烈領荊州牧。周瑜爲南郡太守。分南岸地以給昭烈。昭烈立營于油口。改名公安。權稍畏之。以妹妻昭烈。

十五年。劉表故吏士多歸昭烈。昭烈以周瑜所給地少。不足以容衆。冬十二月。乃自詣京見權。求都督荊州。周瑜呂範勸留之。權不從。禮遇甚盛。綢繆恩紀。及歸。昭烈謂左右曰。孫車騎長上短下。其難爲下。吾不可以再見之。乃晝夜兼行至公安。聞瑜謀。謂龐統曰。天下智謀之士。所見略同。孔明諫孤莫行。亦慮此也。孤方危急。不得不往。孤以仲謀所防在北。當賴孤爲援。故決意不疑爾。此誠險塗。殆不免周瑜之手。未幾周瑜卒。魯肅代領其衆。勸權以荊州借昭烈。與共拒曹操。權從之。權欲與昭烈共取蜀。遣使來言曰。米賊張魯據巴蜀漢。爲操耳目。規圖益州。劉璋不武。不能自守。若操得蜀。則荊州危矣。今欲先攻取璋。進討張魯。西連全蜀。一統吳楚。雖有十操。無所憂也。或以爲宜報聽許。權終不能越荆有蜀。蜀地可爲己有。荊州主簿殷觀進曰。若爲權先驅。進未能克蜀。退爲權所乘。卽事去矣。今但可贊其伐蜀。而說新據諸郡。未可興動。權必不敢越我而取蜀。如此進退在我。可以收吳蜀之利。昭烈從之。答權使曰。益州富強。土地險阻。劉璋雖弱。足以自守。張魯虛僞。未必盡忠于操。今暴師蜀漢。轉輸萬里。欲戰克攻。取雖吳起不能定其規。孫武不能善其事也。曹操雖有無君之心。而有奉主之名。議者見其失利于赤壁。謂其力屈。無復遠圖。今操三分天下已有其二。將欲飲馬于滄海。觀兵于吳會。豈肯守此坐須老乎。而同盟無故自相攻伐。借區

于操。使敵承其隙。非長策也。且備與璋。託爲宗室。冀馮英靈。以匡漢朝。今璋得罪于左右。願加寬貸。權不聽。遣孫瑜率水軍住夏口。昭烈不聽。軍過。謂瑜曰。汝欲取蜀。吾當被髮入山。不失信于天下也。使關羽屯江陵。張飛屯秭歸。諸葛亮據南郡。昭烈自住孱陵。權不得已。召瑜還。遷殷觀爲別駕從事。交趾太守士燮。以嶺南七郡降于孫權。權以步騭爲交州刺史。盡有嶺南地。

十六年。益州牧劉璋。聞曹操將遣鍾繇等向漢中討張魯。內懷恐懼。別駕從事張松說璋。請昭烈討魯。拒操。陰謀推戴以爲州主。璋然之。使法正將四千人迎昭烈。正因陳益州可取之策。昭烈疑之。龐統言于昭烈曰。荊州荒殘。人物殫盡。東有孫權。北有曹操。難以得志。益州國富民強。戶口百萬。四部兵馬所出。必具寶貨。無求于外。得以爲資。大業可成也。昭烈曰。今指與吾爲水火者曹操也。操以急。吾以寬。操以暴。吾以仁。操以譎。吾以忠。每與操反。事乃可成。爾今以小利而失信義于天下。柰何。統曰。權變之時。固非一道所能定也。且兼弱攻昧。逆取順守。古人所貴。若事定之後。封以大國。何負于信。今日不取。終爲人利。爾。昭烈以爲然。于是厚以恩意。接納正。原注。章昭吳書。備前見張松。後得法正。皆厚以恩意接納。盡其殷勤之歡。因問蜀中闊狹。兵器。府庫。人馬衆寡。及諸要害道里遠近。松等具言之。又畫地圖山川處所。中是盡知益州虛實。案。劉璋傳。昭烈紀。松未嘗見昭烈。吳書爲妄。乃留諸葛亮。關羽等守荊州。以趙雲領留營司馬。昭烈將步卒數萬入益州。劉璋敕在所供奉昭烈入境如歸。前後贈遺巨億計。昭烈自江州北由墊。原注。徒江詣涪。璋自出迎。相見甚歡。張松令法正白昭烈。便可于會所襲璋。昭烈曰。此大事也。不可倉卒。璋推昭烈行大司馬。領

司隸校尉昭烈亦推璋行鎮西大將軍益州牧。璋增昭烈兵使擊張魯。又令督白水軍。昭烈并軍三萬餘人。車甲器械資貨甚盛。璋還成都。昭烈北到葭萌。未即討魯。厚樹恩德。以收衆心。

十七年冬。曹操伐孫權。權呼昭烈自救。昭烈遣使告璋曰。曹操伐吳。吳憂危急。孫氏與孤本爲唇齒。又樂進在青泥。與關羽相拒。今不往救羽。進必大克。轉侵州界。其憂有甚于魯。魯自守之賊。不足慮也。乃從璋求萬兵及資寶。欲以東行。璋但許兵四千。其餘皆給半。昭烈因激怒其衆曰。吾爲益州征強敵。師徒勤瘁。今帑藏山積。而恠于功賞。望士大夫爲出死力。其可得乎。張松書與昭烈及法正曰。今大事垂成。如何釋此去乎。松兄廣漢太守肅懼禍白璋。發其謀。于是璋收斬松。嫌隙始構矣。璋敕關戍諸將文書。勿復關通。昭烈昭烈大怒。召璋白水軍督楊懷。責以無禮。斬之。謹案。零陵先賢傳曰。劉璋請劉備。璋將楊懷數諫。備悟。使人請璋子禕及懷。酒酣。備見懷佩匕首。備出其匕首謂懷曰。將軍匕首好。孤亦有。可得觀之。懷與之。備得匕首。謂懷曰。汝小子何敢問我兄弟之好耶。懷罵言未訖。備斬之。乃使黃忠、卓膺勒兵向璋。昭烈徑至關頭質諸將。

并士卒妻子。引兵與忠膺等進據涪。

十八年夏五月。曹操自立爲魏公。加九錫。璋遣劉瓚、冷苞、張任、鄧賢、吳懿謹案。蜀志無吳懿二字。等拒昭烈。皆敗。走

保綿竹。懿詣軍降。原注。益部耆舊雜記。張任。蜀郡人。家世寒門。少有膽勇志節。仕州爲從事。璋復遣李嚴督綿竹諸軍。嚴率衆降。昭烈軍益強。

分遣諸將平下屬縣。諸葛亮、張飛、趙雲等將兵泝流定白帝、江州、江陽。惟關羽留鎮荊州。昭烈進軍圍雒

時。璋子循守城。被攻且一年。

十九年夏張任勒兵于雁橋逆戰被禽昭烈以任忠勇欲降之任厲聲曰老臣不復事二主矣乃殺之雒城破進圍成都征西將軍馬超率衆來歸屯于城北城中震恐後數十日昭烈令從事簡雍入說璋璋從雍出降蜀中殷盛豐樂昭烈置酒大享士卒取城中金銀分賜將士還其穀帛昭烈領益州牧諸葛亮爲股肱法正爲謀主關羽張飛馬超爲爪牙許靖糜竺簡雍爲賓友及董和黃權李嚴等本璋之所授用也吳懿費觀等又璋之婚親也彭羨原注亮反餘又璋之所排擯也劉巴者宿昔之所忌恨也皆處之顯任盡其器能有志之士無不競勸冬十一月曹操弑皇后伏氏酖殺二皇子

二十年孫權聞昭烈取益州逐劉璋令中司馬諸葛瑾從昭烈求荊州諸郡昭烈不許曰吾方圖涼州得涼州當以荊州相與權大怒乃遣呂蒙襲奪長沙零陵桂陽三郡夏五月昭烈引兵五萬下公安令關羽入益陽時曹操定漢中張魯走巴西昭烈聞之與權連和分荊州江夏長沙桂陽東屬南郡零陵武陵西屬引軍還江州冬十一月遣黃權將兵迎張魯魯已降操操使夏侯淵張郃屯漢中犯暴巴界昭烈令張飛進兵宕渠與郃等戰于瓦口郃敗走并擊巴賈原注冬反破之昭烈還成都二十一年夏四月曹操自立爲魏王

二十二年春三月孫權降于曹操冬昭烈進兵漢中分遣張飛馬超吳蘭等屯下辨又遣雷銅等入武都譚案陳志作入成都上云進兵漢中何有分遣他將入成都之理考華陽國志云遣將吳蘭雷銅入武都與此合志誤

二十三年春飛等皆為操兵所破昭烈次于陽平與操將夏侯淵張郃相拒

二十四年春自陽平南渡沔水緣山稍前營于定軍山謹案陳志作於定軍山勢作營考法正傳作定軍與勢與勢山名作山勢誤此書作營于定軍山據通鑑也

淵等引兵來爭昭烈命黃忠乘高鼓譟攻之大破淵軍斬淵原注陳志作斬淵郃誤還陽平其後諸葛亮出祁山亮與郃軍戰飛矢

中郃右郃卒故淵注云陳志作斬淵郃者誤漢中志亦云將軍黃忠斬淵容首不言張郃也及操所署益州刺史趙容等操自長安出斜谷軍遮要以臨漢

中昭烈曰曹操雖來無能為也我必有漢川矣及操至昭烈斂衆拒險終不交鋒相守積月操軍亡者日

多乃引軍出翔軍將軍趙雲擊敗之夏操遁還長安昭烈遂有漢中遣劉封孟達李平等攻申耽于上庸

耽舉郡降秋七月羣下上昭烈為漢中王表于帝曰平西將軍都亭侯臣馬超左將軍領長史鎮軍將軍

臣許靖營司馬臣龐羲議曹從事中郎軍議中郎將臣射援原注三輔決錄注援字文雄扶風人也其先本天子以謝服非令名改為射子孫氏焉兄堅字文固少有美名辟公府為黃門侍郎獻帝之初三輔饑亂堅去官與弟援南入蜀依劉璋璋以堅為長史劉備代璋以堅為廣漢蜀郡太守援亦少有名行太尉皇甫嵩賢其才而以女

妻之丞相諸葛亮以援為祭酒遷從事中郎卒官軍師將軍臣諸葛亮盪寇將軍漢壽亭侯臣關羽征虜將軍新亭侯臣張飛征西

將軍臣黃忠鎮遠將軍臣賴恭揚武將軍臣法正興業將軍臣李嚴等一百二十人上言曰昔唐堯至聖

而四凶在朝原注尚書舜流共工于幽州放驩兜于崇山竄三苗于三危周成仁賢而四國作難原注史記成王

國管叔蔡叔霍叔與殷武庚作亂周公東征殺武庚管叔放蔡叔霍叔以微子啓代殷後國于宋高后稱制而諸呂竊命原注漢書呂后以周呂侯子台為

釋之子祿為趙王上將軍各領南北軍呂后崩祿產因謀孝昭幼冲而上官逆謀原注漢書孝昭上官皇后上官安

作亂太尉勃與朱虛侯章等共誅之遂滅呂氏立文帝

皆受遺詔輔少主。昭帝立。安女爲皇后。以安爲車騎將軍。皆馮世寵。藉履國權。窮凶極亂。社稷幾危。非大舜周

公朱虛博陸。則不能流放禽討。安危定傾。伏惟陛下。誕姿聖德。統理萬邦。而遭危運。不造之艱。董卓首難。

蕩覆京畿。曹操階禍。竊執天衡。皇后太子。鳩殺見害。剝亂天下。殘毀民物。久令陛下。蒙塵憂厄。幽處虛邑。

人神無主。遏絕王命。厭昧皇極。欲盜神器。左將軍領司隸校尉。豫荆益三州。牧宣城亭侯。備受朝爵。秩念

在輸力。以殉國難。覩其機兆。赫然憤發。與車騎將軍董承。同謀誅操。將安國家。克寧舊都。會承機事不密。

令操游魂。得遂長惡。殘泯海內。臣等每懼王室。大有閭樂之禍。原注。史記。二世齋于望夷宮。趙高使其婿咸陽

驕恣誅殺無道。天下共畔足下。足下其自爲計。聽其兵進。二世自殺。 小有定安之變。原注。漢書。平帝崩。立宣帝元孫嬰爲皇太子。號曰孺子。安

敕阿乳母不得與語。常在四壁中。至于長大。不能名六畜。夙夜惴惴。戰慄累息。昔在虞書。敦敍九族。周監二代。封建同姓。詩著其義。歷載

長久。漢興之初。割裂疆土。尊王子弟。是以卒折諸呂之難。而成太宗之基。臣等以備肺腑。枝葉宗子。藩翰

心存國家。念在弭亂。自操破于漢中。海內英雄。望風蟻附。而爵號不顯。九錫未加。非所以鎮衛社稷。光昭

萬世也。奉辭在外。禮命斷絕。昔河西太守梁統等。值漢中興。限于山河。位同權均。不能相率。咸推竇融。以

爲元帥。卒立效績。摧破隗囂。原注。後漢書。更始以竇融爲張掖屬國都尉。酒泉太守。梁統等推融行河西五郡大將軍事。

州牧安豐侯印綬。拜冀州牧。遷大司空。 今社稷之難。急于隴蜀。操外吞天下。內殘羣寮。朝廷有蕭牆之危。而禦侮未建。可爲寒

心。臣等輒依舊典。封備漢中王。拜大司馬。董齊六軍。糾合同盟。掃滅凶逆。以漢中。巴。蜀。廣漢。犍爲。爲國。所



署置依漢初諸侯王故典。夫權宜之制。苟利社稷。專之可也。然後功成事立。臣等退伏。矯罪雖死無恨。遂于沔陽設壇場。陳兵列衆。羣下陪位。讀奏訖。御王冠于昭烈。昭烈上言于帝曰。臣以具臣之才。荷上將之任。董督三軍。奉辭于外。不能掃除寇難。靖匡王室。久使陛下聖教陵遲。六合之內。否而未泰。惟憂反側。疚如疾首。曩者董卓造爲亂階。自是之後。羣兇縱橫。殘剝海內。賴陛下聖德威靈。人神同應。或忠義奮討。或上天降罰。暴逆並殄。以漸冰消。惟獨曹操。久未梟除。侵擅國權。恣心極亂。臣昔與車騎將軍董承。圖謀討操。機事不密。承見陷害。臣播越失據。忠義不果。遂使操窮凶極逆。主后戕弑。皇子鳩害。雖糾合同盟。念在奮力。懦弱不武。歷年未效。常恐殞歿。孤負國恩。寤寐永歎。夕惕若厲。今臣羣寮以爲在昔。虞書敦敘九族。庶明勵翼。五帝損益。此道不廢。周盤二代。並建諸姬。實賴晉鄭夾輔之福。原注。左氏傳。昔武王克商。光有天下。兄弟之國者十有五人。姬姓之國者四十人。皆舉親也。史記大戎殺幽王。晉文侯。鄭武公立。故太子宜臼。是爲平王。高祖龍興。尊王子弟。大啓九國。原注。漢書諸侯王表。九國燕。代。齊。趙。梁。楚。吳。淮南。長沙也。卒斬諸呂。以安太宗。今操惡直醜正。實繁有徒。包藏禍心。篡竊已顯。既宗室微弱。帝族無位。斟酌古式。依假權宜。上臣大司馬漢中王。臣伏自三省。受國厚恩。荷任一方。陳力未效。所獲已過。不宜復忝高位。以重罪謗。羣寮見逼。迫臣以義。臣退惟寇賊不梟。國難未已。宗廟傾危。社稷將墜。誠臣憂責。碎首之負。謹案

• 誠臣憂責。誠  
• 今志作成。

若應權通變。以寧靖聖朝。雖赴水火。所不得辭。敢慮常宜。以防後悔。輒順衆議。拜受印璽。以崇國威。仰惟爵號。位高寵厚。俯思報效。憂深責重。驚怖累息。如臨于谷。盡力輸誠。獎勵六師。率齊羣義。

應天順時，撲討凶逆，以寧社稷，以報萬分。謹拜章因驛上還所假左將軍宜城亭侯印綬，于是還治成都。拔魏延爲都督，鎮漢中，起館舍，築亭障，從成都至白水關四百餘區。時關羽攻曹操將曹仁，殺龐德，禽于禁于樊。孫權與曹操牋，請討羽自效。遂令呂蒙取荊州，羽師潰，死之。

二十五年春，曹操卒，曹丕自爲魏王。秋七月，將軍孟達、上庸太守申耽叛降于丕。副軍中郎將劉封伏誅。冬十一月，丕廢帝爲山陽公，遂稱尊號。

章武元年春三月，蜀中傳言獻帝已遇弒，王乃發喪制服，諡曰孝愍皇帝。是後在所並言符瑞，故議郎陽泉侯劉豹、青衣侯向舉、偏將軍張裔、黃權、大司馬屬殷純、益州別駕從事趙祚、治中從事楊洪、從事祭酒

何宗、議曹從事杜瓊、勸學從事張爽、尹嘽、譙周等譙案：顧炎武日知錄曰：譙周傳：建興中，丞相亮領益州牧。嘽、譙周等上言：前後不同。案周卒于晉泰始六年，年七十二。而昭烈卽位之年，年僅二十有二，未必與勸進之列。從本傳爲是。上言：臣聞河圖雜書五經讖緯，孔子所甄，驗

應自遠，謹案雜書甄曜度曰：赤三日，德昌九世，會備合爲帝際。雜書寶號命曰：天度帝道，備稱皇以統握契，百成不敗。雜書錄運期曰：九侯七傑爭命，民炊骸，道路籍履人頭，誰使主者元且來。孝經鉤命決錄曰：帝三建九會備，臣父羣未亡時，言西南數有黃氣，直立數丈，見來積年時，有景雲祥風從璿璣下來，應之，此爲異瑞。又二十二年中數有氣如旗，從西竟東，中天而行。圖書曰：必有天子出其方，加是年太白癸惑填星，常從歲星相追近。漢初興，五星從歲星謀，歲星主義，漢位在西義之上方，故漢法常以歲星候

人主當有聖主起于此州。以致中興。時許帝尙存。故羣下不敢漏言。頃者熒惑復追歲星。見在胃昴畢。畢爲天綱。經曰。帝星處之。衆邪消亡。聖諱豫覩。推揆期驗。符合數至。若此非一。臣聞聖王先天而天不違。後天而奉天時。故應際而生。與神合契。願大王應天順民。速卽洪業。以寧海內。太傅許靖。安漢將軍麋竺。軍師將軍諸葛亮。太常賴恭。光祿勳黃權。少府王謀等。上言。曹丕篡弑。湮滅漢室。竊據神器。劫迫忠良。酷烈無道。人鬼忿毒。咸思劉氏。今上無天子。海內惶惶。靡所式仰。羣下前後上書者八百餘人。咸稱述符瑞圖讖明徵。聞黃龍見武陽赤水。九日乃去。孝經援神契曰。德至淵泉則黃龍見。龍者君之象也。易乾九五。飛龍在天。大王當龍升登帝位也。又前關羽圍樊。襄陽男子張嘉。王休獻玉璽。璽潛漢水。伏于淵泉。暉景燭耀。靈光徹天。夫漢者高祖本所起定天下之國號也。大王襲先帝軌迹。亦興于漢中也。今天子玉璽神光先見。璽出襄陽漢水之末。明大王承其下流。授與大王以天子之位。瑞命符應。非人力所致。昔周有烏魚之瑞。原注。史記武王渡河。白魚入于王舟。有火自上復下。至王屋。流爲烏。其色赤。其聲魄云。咸曰。休哉二祖。受命圖書。先著以爲徵驗。今上天告祥。羣儒英俊。並進河雒。孔子讖記。咸悉具至。伏惟大王出自孝景皇帝中山靖王之胄。本枝百世。乾祇降祚。聖姿碩茂。神武在躬。仁覆積德。愛人好士。是以四方歸心焉。考省靈圖。啓發讖緯。神明之表。名諱昭著。宜卽帝位。以纂二祖。紹嗣昭穆。天下幸甚。臣等謹與博士許慈。議郎孟光。建立禮儀。擇令辰上尊號。王乃卽皇帝位。于成都武擔之南。原注。蜀本紀。成都有丈夫化爲女子。顏色美好。蓋山精也。蜀王娶以爲妻。不習水土。疾病欲歸國。蜀王留之。無幾。物故。蜀王發卒之。武都擔土于成都郭中。

葬。蓋地數畝。高十丈。號曰武擔也。裴松之曰。武擔山名。在成都西北。蓋以乾位在西北。故就之以卽阼。冊曰。惟建安二十六年四月丙午。皇帝備敢用元牡。

昭告皇天上帝后土神祇。漢有天下。歷數無疆。曩者王莽篡盜。光武皇帝震怒致誅。社稷復存。今曹操阻

兵安忍。戮殺主后。滔天泯夏。罔顧天顯。操子丕載其凶逆。竊居神器。羣臣將士以爲社稷隳廢。備宜修之。

嗣武二祖。恭行天罰。備雖否德。懼忝帝位。詢于庶民。外及蠻夷。君長僉曰。天命不可以不答。祖業不可以

久替。四海不可以無主。率土式望。在備一人。畏天明命。又懼漢邦。謹案。漢高祖諱邦。昭烈卽位冊文。不應直書漢邦。疑作漢祚爲是。將湮于

地。謹擇元日。與百寮登壇。受皇帝璽綬。修燔瘞告。類于天神。惟神享祚于漢家。永綏四海。原注。魏書。備

韓冉奉書弔。并致賻贈之禮。文帝惡其因喪求好。敕荊州刺史斬冉。絕使命。典略。備遣軍謀掾韓冉齎書弔。并貢錦布。冉稱疾住上庸。上庸致其書。適會受終。有詔報答。以引致之。備得報書。遂稱制。此皆魏自夸之辭。非實事也。昭烈與

操不共戴天。方討賊復漢。豈弔喪致賈與修好乎。夏四月大赦改元。以諸葛亮爲丞相。許靖爲司徒。置百官。立宗廟。祫祭高皇帝

以下。原注。裴松之曰。先主雖云出自孝景。而世數悠遠。昭穆難明。既紹漢祚。不知以何帝爲元祖。以立親廟。于時英賢作輔。儒生在官。宗廟制度。必有憲章。而載記闕略。良可恨哉。五月立皇后吳氏

子禪爲皇太子。六月立子永爲魯王。理爲梁王。帝忿孫權之附操。襲殺關羽。欲親討權。趙雲等諫不聽。令

車騎將軍張飛將兵先出閬中。盜殺飛。以其首奔權。秋七月。帝東征權。權遣書請和。帝不許。權令陸遜督

朱然等拒帝。八月。權復遣使降魏。魏封權爲吳王。曹氏始稱魏。與爲列國也。陸遜。李異。劉阿等屯巫秭歸。

將軍吳班。馮習自巫攻破異等。軍次秭歸。武陵五谿蠻夷遣使請兵。

二年春正月。帝引軍還秭歸。將軍吳班。陳式以水軍屯夷陵。夾江東西岸。二月。帝自秭歸率諸將進軍。緣

山絕嶺于夷道。獠原注：許亭駐營自恨音恆。山通武陵。遣侍中馬良安慰五谿蠻夷。咸相響應。鎮北

將軍黃權督江北諸軍。與遜軍相拒于夷陵道。夏六月。黃氣見。自秭歸十餘里。中廣數十丈。後十餘日。陸

遜大破諸軍于猇亭。馮習、張南死之。帝自猇亭收合離散。棄船由步道還魚復。將軍傅彤殿後。死之。改魚

復縣曰永安。遜遣將軍李異、劉阿等踵躡漢軍。屯駐南山。秋八月。收兵還巫。帝大慙。恚曰：「吾乃為陸遜所

折辱。豈非天邪？」黃權在江北。不得還。率衆降魏。司徒許靖薨。原注：諸王三公丞相。大將軍。司馬皆書薨。孫權聞帝住白帝。

甚懼。遣使請和。帝許之。遣太中大夫宗瑋報命。冬十二月。漢嘉太守黃元聞帝不豫。舉兵叛。

三年春二月。丞相亮自成都至永安。原注：凡漢丞相。大將軍。大司馬皆以官冠名。尊之也。吳魏則並書姓名。降殺也。三月。將軍陳習原注：音笏。獲

黃元斬之。帝病篤。託孤于丞相亮。尚書令李嚴為副。敕太子曰：「朕初疾。但下痢爾。後轉雜他病。殆不自濟。

人五十不稱天。朕年已六十有餘。何所復恨。但以卿兄弟為念。爾射君到說丞相。歎卿智量甚大。增修過

于所望。審能如此。吾復何憂。勉之。勉之。勿以惡小而為之。勿以善小而不為。謹案：實誼新書審微篇云：善不可謂小而無益。不善不可謂小而無

傷。語意正。惟賢惟德。可以服人。汝父德薄。不足效也。汝與丞相從事。事之如父。夏四月。癸巳。帝崩于永安

宮。年六十三。原注：陳壽評曰：先主之宏毅寬厚。知人待士。蓋有高祖之風焉。及其舉國託孤于諸葛亮。而心神無二。誠君臣之至公。古今之盛軌也。凡陳志評與本議不同。而有義理者。則載本傳下。應劣不成章者。則皆略去云。義例曰：天子曰崩。諸侯曰薨。大夫曰卒。史漢因之。太上皇。皇帝。太后。皇后。皆書崩。皇子。諸王。

妃。夫人。公。侯。大臣皆書薨。百官。軍。察皆書卒。壽以魏為正統。一用此例。而漢昭烈書祖。吳大帝書薨。其餘臣僚皆曰卒。通鑑因之。漢吳主皆書祖例也。今更漢從正統例。亮上言于末帝曰：「伏惟大行皇帝原注：天子崩未有

而魏吳臣主皆書卒。如春秋書諸侯曰卒。從大夫之例云。」

邁仁樹德。覆燾無疆。昊天不弔。寢疾彌留。今月二十四日奄忽升遐。臣妾號咷。若喪考妣。乃顧遺詔。事惟  
大宗。動容損益。百寮發哀。滿三日除服。到葬期復如禮。其郡國太守。相。都尉。縣令。長三日便除服。臣亮親

受敕戒震畏神靈。不敢有違。臣請宣下奉行。五月梓宮自永安還成都。諡曰昭烈皇帝。秋八月葬惠陵。

議曰。原注。義例曰。初孔子贊易。序詩書。皆別爲篇。載于本文後。古之制作之法也。至左氏爲春秋作傳。子行事得  
失之際。則載斷辭。曰書。曰故書。不書。君子曰。或當世諸人之論。與本文錯置。然經自經傳。猶存古制也。

及司馬遷作史記。于帝紀。表。書。世家。列傳。作序及論。皆稱太史公曰。其終篇則有自序及敘傳。以韻語敘斷諸人行  
事。與本文錯置。班固作漢書。其序則卽其文序下。其論則曰贊。或載其父之言。則曰任城掾班彪曰。其終亦有敘傳。

後世謂之史述贊。亦與本文錯置。范氏後漢書。其序遵固法。而更贊曰論。亦或援引其先世及諸人之言。更敘傳曰贊。  
置子論之後。而序。論。贊各自爲篇。載于正史後。復古制也。至唐章懷太子賢始錯置如史漢。陳壽三國志更論曰評。

而不作贊。今既改作。參用後漢三國晉宋以來諸儒論議。故改評曰議。其援引諸人書。三王家天下。其子若孫與其  
名而不書官。插入本議而斷以己意。亦錯置正史間。不復如古制別載。便觀覽也。

族屬傳繼紹復。則統紀在焉。不幸而草竊間貳。攘奪叨據。終非其有。故羿浞割夏則少康興。原注。左氏傳  
也。后羿自鉏遷于窮石。因夏民以代夏政。而用伯明氏之子寒浞。浞殺羿烹之。以食其子。子不忍食。殺于窮門。浞因

羿室。生澆及豷。使澆滅斟灌氏及斟鄩氏。而相爲澆所滅。后緡歸于有仍。生少康。有夏之臣。靡自有鬲。收二國之爐  
以滅浞而立少康。少康滅澆于過。后杼滅豷于戈。按史記。仲康崩。犬戎斃周則平王立。原注。史記。幽王嬖愛褒

子帝相立。中間歷后羿寒澆二世。凡篡夏四十有二年。而少康復國。犬戎斃周則平王立。原注。史記。幽王嬖愛褒  
井去太子宜臼。以褒姒爲后。以伯服爲太子。申后。申侯女也。申侯怒。與緡西夷犬戎攻  
幽王。殺幽王驪山下。於是諸侯乃即申侯。共立故太子宜臼。是爲平王。東遷于洛邑。吳楚僭號諸侯不王。孔子

作春秋。加王子正以大一統。原注。吳本伯爵。後僭稱王。楚本男爵。後僭稱王。歷五伯。迄顯赧。二周王室餘  
春秋皆貶而稱子。公羊傳何言乎王正月。大一統也。

七邑。原注。五伯齊桓公。晉文公。秦穆公。宋襄公。楚莊王。考王封其弟子河南。是爲桓公。卒。子威公立。卒。子

惠公立。是謂西周公。惠公封其少子於鞏。號東周公。王赧時。東西周分治。而王赧都西周。秦滅東西周。比亡

。凡七縣。河南。洛陽。谷城。天下羣起而稱王。稱帝。原注。六國皆稱王。秦  
。平陰。偃師。鞏。緡氏。稱西帝。齊稱東帝。周之統自若也。漢得天統。莽篡而

在光武操竊而在昭烈。魏吳雖僭，猶夫吳楚也。昭烈天資仁厚，宇量宏毅，巋然一世之雄。以興復漢室爲己任，崎嶇百折，債而益堅，顛沛之際，信義逾明，故能終繫景命，信大義于天下。任賢使能，洒落誠盡，使諸葛亮以死自效，復見三代君臣，高光爲不亡矣。國賊未討，境土未復，而債軍崩殂，哀哉。

贊曰：於赫漢道，滅于闔醜，運踰百六，載權陽九。

原注·漢書·元歲之閏陰陽災三統閏法·易九扈曰·初入元百六

次七百二十·陽七次六百·陰五次六百·陽五次四百八十·陰三次四百八十·陽九次三百七十四·陰九次四百八十·陽九次七百二十·陰七

·陽三凡四千六百一十七歲·與一元終·經歲四千五百六十·災歲五十七·裂土分隴，舉樞解紐，兇婪詐慝，攘據

叨有嚴翼，昭烈仁誠迪哲，宏我炎正，桓桓秉鉞，纂高系光，討賊立國，權競請盟，丕豈其敵，燕南三士。原注

羽·張飛·趙雲·隆中一賢·葛亮·諸

左提右挈，百折彌堅，崦嵫返照，騰輝揭天，皇矣帝統，旣絕復傳。